

Gvangjsih Minzcuz Bau

Cawjguenj: Gvangsiah Bouxcuengh Swcigh Minzcuz Cunghgyau Swvu Veijyenzvei

Cawjbanh: Gvangsiah Minzcuz Bause

Geiz neix 8 banj

广西民族报

Aenhauhokbanj: CN45-0036

B.2023

Nd.6 Ng.28

Liggaeuq gveijmaux nienz ndwenngux cib'it

Geizsoq: Gungh daih 3578 geiz

Liuz Ningz Haeuj Bwzswz Si Diuyenz Daegbied Gangj Daengz

Netsaed Fugsaeh Ndei Ginghci Saeddaej Cienzmienh Doicaenh Guhhoengh Lajmbanj Baengh Guh Hong Baenzsaeh Caencangq Yienh'ok Gij Cwngzgoj Sonrox Cawjdaez

刘宁深入百色市调研强调

扎实服务好实体经济全面推进乡村振兴 以实际工作成效彰显主题教育成果

6 nyied 23 hauh daengz 24 hauh, Swcigh Dangveij suhgi Liuz Ningz haeuj Bwzswz Si bae, gap ndei gij saeh haiguh sonrox cawjdaez hagsib gvancez Aen Swhsiengj Sevei Cujyi Miz Gij Daegsaek Cungguk Seizdaih Moq Siz Ginbingz caeuq daihhwng diucaz yenzgiu, comz rengz hag ndei swhsiengj, gyaak dangsing, dawznaek saedguh, guh baenzsaeh moq, haeuj daengz Gvangsiah Cunghceh Sinhngwzyenz Canghbei Youjhan Gunghswi daengj giyez caeuq Dwzbauj Yen Cwngzgvanh Cin Nazcau Cunh, hopheux gij hongsaeh gyahung gyaak yiengh ginghci saeddaej, doinyoengx hwngfat ndeindet caeuq cienzmienh doihaeuj guhhoengh lajmbanj daengj bae diuyenz.

Liuz Ningz daegbied gangj daengz, yaek gvancez doeksaed gij iugouz youqgaenj Siz Ginbingz

cungjsuhgi iugouz gyavaiq laebguh aen ginghci dijhi yendaiva aeu ginghci saeddaej cengjdaeux, haenqrengz dawz gijndei gag miz, gijndei ndumjyouq bienqbaenz gijak hwngfat canjnieb. Dawzmaenh daengxbuenz bae maeuzveh, engqgya yawjnaek cauhoq doidoengh, hawj canjnieb baijbouh bienq ndei, lai ok goengrengz hawj guekgia hwnqguh aen canjnieb dijhi yendaiva caezcup, maenhndei, ancienz. Yaek cimdoi qij vwndiz caemh miz caeuq vwndiz hungnaek youq mwh diuyenz fugsaeh ra ok haenx, cietsaed bangcoengh giyez gajgez gij vwndiz gaenjgip hojnanz youheiq deqmuengh, caezhoz gyonj rengz guh hung guh ak yiengh ginghci saeddaej, cuknet aen goekdaej hwngfat ndeindet, baengh guh hong baenzsaeh caencangq yienh'ok gij cwngzgoj sonrox cawjdaez.

Liuz Ningz daegbied gangj daengz, yaek haeujlaeg bae hagsib gvancez gij lwnhgangj youqgaenj Siz Ginbingz cungjsuhgi gangj hong "sam nungz", dingjmaenh "seiq aen mbouj duet", hwngfat gij canjnieb miz daegsaek hawj minz fouqmiz, laebdaeb hawj dieg duetgungz caeuq ginzung duetgungz gyaak gag miz rengznoengx hwngfat, netsaed gyamaenh gyahung gij cwngzgoj haenqrengz duetgungz, dawzcinj guhsaed bae cienzmienh doicaenh guhhoengh lajmbanj. Yaek gaenjgaenj hopheux "haj aen guhhoengh", hagrox hag' aeu gij gingniemh guhfap "aen gunghcwngz cien fanh" laeng Cezgyangh, ciuq saeh dingh geiq doinyoengx canjnieb lajmbanj hwngfat, hwnq ndei lajmbanj caeuq guenj ndei lajmbanj.

(Cinz Yizcwz/陈贻泽)



Yungzsuij:

Beijak Boq Venz Gok-sat Gvaq Duenqngux

融水: 芦笙比响过端午

6 nyied 22 daengz 23 hauh, Aen Hezvei Ciepswnj Hwngfat Vwnzva Aenvenz Ndwbiengz Yungzsuij guhcawj youq Yungzsuij Myauzcuz Swciyen Mungvuh Myauzcaiz gawjbanh yienghsaeh bejjak boq venz goksatsat, 187 aen doih' aenvenz daj Yungzsuij gak yanghcin, Sanhgyangh caeuq Liujcouh Si Liujbwz Gih vanzlij Gveicouh Swngj daengj dieg daeuj camgya bejjak boq aenvenz, baenzneix cix angqvauvau gvaq Duenqngux, coihawj gak minzcuz doxcunz doxhag doxgyaux. Ndw doz dwg gyangciengz bejjak boq venz.

(Vangz Cwngz/黄诚)

Fungsanh Gyawj 3.3 Fanh Boux Vunzduetgungz Miz Hong Guh

凤山近 3.3 万脱贫人口实现就业

Daj bineix doxdaeuj, Fungsanh Yen gyarengz hawj gak bouhmonz gapguh, roengzrengz liuxcaez maeuzveh, laebdaeb dazyinx, coihawj vunzduetgungz miz hong guh. Gaenxmaenx doeksaed gij cwngcwz bangfuz vunzduetgungz ok rog guhhong,

gungh fat 274.65 fanh maenz boujdiep gyaudoeng hawj 5493 boux vunzduetgungz hamj sengj guh hong; cimdoi doenghboux vunzhong duetgungz mbouj miz banhfap ok rog bae guhhong, haifat 3225 aen ganghvei goeng'ik hwnq ndei lajmbanj, gij yinvu

guhsat haenx ciemq gij yinvu swcigh gyauhawj 1290 aen haenx 250%. Suenq daengz 6 nyied 22 hauh, Fungsanh Yen miz daengz 3.2966 fanh boux vunzduetgungz (baudaengz boux aeu gamcaek) miz hong guh.

(Liu Ginglingz Veiz Yi'gyangh)